

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

set. Erant Calendæ Augusti, & memoria vinculorum Petri, quam materiam facile intelligitis splendescere. Id quod conjiciebam, evenit, nemo aderat, concionem ego *καὶ ἡ παραχρημα* habui, quæ ita movit hominem, ut horum, quæ supra posui, scelerum in publico consilio me arcesseret: non ipse quidem pro se; sed per Diaconum, quem Pastoris sui causa, nulla à me re læsum inimicitias mecum suscipere oportuit. Res non composita quidem est, sed mea laudata modestia, quod ejus furori cesserim; illius repræhensa insania, qui in fratre, cui gratias debebat, officium accusavit. Hæc ut videtis, planè familiariter: Opto vobis valetudinem firmam, animi & doctrinæ incrementa, honorum & autoritatis accessionem, ætate & doctrina dignam, ut non tam doctiores quam auctoritatiores (utar enim barbaro vocabulo) ad nos redeatis. Ego tamen Atlantem me non possum profiteri, tamen Herculem requiro, qui non læso, sed impari his oneribus supponat humeros. Reverendo D. D. Sulcero, patri colendo, me commendabit. Valete. Argentorato raptim, *συντάμνωσις* dñi 9. Augusti, 1571.

Vester ex asse

Joh. Pappus.



LXIII.

S En tibi filios utrunque sospitem corpore, & quod magis cupis animo. Nam quod affectum attrinet, quo M. Philippus laborat, in spe sunt optima Medici, curari posse, & caveri ne abeat in fistulam, modò convenientia remedia adhibeantur, eaque continuata. Sicut ex Doct. Isaaci scripto intelligis. Nec tamen inconsultè feceris, si super eodem etiam aliorum audias sententiam, in arte Medica, Chirurgicaque peritorum. Ac fortè expediret, eosdem etiam oculis contueri affectum. Verum de his pro tua prudentia facile dispicies. Quod si hic eum curari velis, nihil intermittent, scio, diligentia nostri medici, pro summo, quo te & ipsum prosequuntur, amore. Tubingæ audimus grassari pestem, sicut & Constantiæ, quo nomine aliquot studiosi jam huc convolarunt. Subitò eam per plures jam vicos serpsisse ferunt, statim à discessu Doctoris Andreae, ut Rector Academiæ discessionem illis suaserit. Quæ ibidem Piscator egerit, indicavit tuus contubernalis, cujus adventus mihi fuit gratissimus. Idem de restaurata tibi valetudine lætissimum nuncium attulit. Eam præcor tibi diutissime integram firmamque. Ceterum tristem casum accidisse audimus ob fulmine tactos peremptosque
quor

quot ex ministris & Professoribus. Quia si sic habet, ut fama semel tulit, est, ut doleamus, iudiciumque agnoscamus Domini, cui occurrendum sit scilicet pœnitentia. Speramus autem meliora. Doct. Jacobum Andream ad te pervenisse arbitror, ac demiror tam diu Mompelgardii hæsisse. Gravis oportet causa intervenerit, qua sit retentus. Ad te enim properabat. Nos hic salvisumus per DEI gratiam. Expectamus autem, quid de nobis statuatur Dominus. Commendo te gratiæ DEI. Scripsi Basileæ, 15. Augusti, Anno 1577.

R. d. 1. totus

Sulcerus.



LXIV.

Salutem in salute nostra Jesu.

TAmetsi una cum Hero Friburgum excurrere initio decreveram, maxime vos ut viderem & alloquerer, tamen cum ea mihi non datur occasio, & doleo vehementer, & aliquantulum gaudeo. Doleo & quidem, ut dixi, vehementer doleo, me iis de causis detineri, quæ Ecclesiæ & Scholæ à discessu Weislandi tristissimo acciderunt, ut ad M. Philippum scribam: & sine quibus tamen mihi manendum fuisset. Gaudeo quod sperem, me reverso D. Doctore idem Basileæ apud vos posse agere, quod nunc Friburgi: & quidem diutius illic, quam hic. D. Doctorem Jacobum Andream non ignoras huc venturum fuisse. Venit autem prædie Laurentii, sed nobis minime conscius. Postridie antemeridianum tempus Colloquio privato Heri cum ipso tributum est. A meridie adfuit in præsentia Pastorum etiam Illyricus, cujus ego partem postremam duabus horis audiui. Prioribus enim concio mihi meditanda & habenda fuit. Deprehendimus nos, eandem esse Ill. & D. Andream sententiam; neque hic negabat. Sed cum ille Accidens detestaretur, iste Substantiam rejiceret, ita discessum est, ut quia D. Jacobus domum postridie rediturus esset, per literas deinceps concordiam se suam substantiam nobis erat pollicitus, sed altero, Accidens ut affirmaret, urgente, nihil potuit confici. Sed de hac re per proximam occasionem plura. Eo vesperi quod calus tristis nos convenire universos non sinebat, Herus & ego cum D. Jacobo & comitibus ejus ad insigne Corvi cenati sumus. Ubi Friderici Wirtebergici Præceptor maximo me oravit opere, ut à te librum Emblematum poscerem, eumque hic prius aliquorum chirographis ornatum Tubingam mitterem. M. Piscator Tubingæ fuit mense Junio, & contulit cum reliquis Theologis,